

# POSLANIK, S.A.V.S., U MEDINI

## الرسول في المدينة

Muslimani u Medini su sa žudnjom i nestrpljenjem iščekivali susret s Allahovim Poslanikom, s.a.v.s., pa su svaki dan izlazili izvan Medine, čekajući ga da se pojavi.

Kad je Poslanik, s.a.v.s., napokon, stigao, oni su radosno klicali, veličajući Allaha, dž.š., (izgovarali tekbire) i pjevali kasidu, koja glasi:

*EŠREKAL BEDRU 'ALEJNA  
MIN SENIJJETIL-VEDA'*

*Puni mjesec nas obasja  
od senijjetil Veda.*

*VEDŽEBEŠŠUKRU 'ALEJNA*

*Dužnost nam je da budemo  
zahvalni (Allahu)*

*MA DE'A LILLAHI DA'*

*sve dok Allahu poziva daija  
(pozivač).*

*EJJUHEL MEB'USU FINA*

*O ti, koji si nam poslan*

*DŽI'TE BIL-'EMRIL MUTA'*

*došao si s onim čemu se  
pokorava.*

U Medini je Muhammed, s.a.v.s., odsjeo kod svojih rođaka iz plemena Benu-Nedžar, tačnije u kući Ebu-Ejjuba El-Ensarije, a po dolasku u Medinu, na mjestu gdje je legla njegova deva uradio je sljedeće:

1. Izgradio je džamiju koja je i dan-danas na svom prvobitnom mjestu. Namaz obavljen u njoj je kao hiljadu namaza obavljenih na drugome mjestu (osim Meke i Kuds).
2. Pobratimio je muhadžire i ensarije.
3. Pomirio je plemena Evs i Hazredž, poslije čega su rat i neprijateljstvo između njih prestali.
4. Sa žiovima, koji su bili u Medini, potpisao je povelju (ugovor), kojom je uredio odnose između muslimana i židova.

Ensarije (muslimani iz Medine), primili su muhadžire na najbolji mogući način i s njima podijelili svoje imetke i kuće, te postali njihova braća po vjeri. Allah, dž.š., objavio je i ajet, hvaleći Ensarije. Ajet glasi: "...Oni više vole njima nego sebi, mada im je i samima potrebno." (El-Hašr, 9)